

As to Lebanon having had parts of Syria and the Lebanese Nationalism

تعليقًا على نقاش انو لبنان ضم اجزاء من سوريا وانو هيدا شي مهم، وعلى فكرة القومية اللبنانية السامية بالجواهر انما الخطرة على الكنعانيين / المسيحيين عمليًا:

١. لبنان اسم توبوغرافي: الابيض، يلي فارق عن كل محيطه.

ما يبقدر يتقلص ويتمدد. محكوم بالسلسلتين. ولا كان يضم جزء من سوريا وفلسطين، لانن منن ببيض متلو (الا السفوح الشرقية للسلسلة الشرقية). واكيد ما كان يوصل لجبال انطاكيا.

وهون نقطة حول انو "لبنان كان يوصل لمدخل حماة" حسب التوراة: المقصود بلاد حماة، مش مدينة حماة، يعني عمليًا لعكار، وهيدا شي طبيعي لان السلسلة الغربية بتنزل لل ٩٠٠ م ارتفاع ٥ كلم قبل الحدود. وعمتحوا عن جملة مكتوبة بل ٦٠٠ ق م، ما فيها تكون ادق من هيك (راجع الخوارط بالصور)، ما كان في حدود بالمعنى الحالي بايامها.

٢. صح في اجزاء شاسعة من سوريا كانت اداريًا ضمن ولاية اسمها فينيقيا مثل ما اوقات كان لبنان اداريًا ضمن ولاية اسمها سوريا.

٣. الولايات العثمانية يلي ضمت اجزاء من سوريا مثل ولايات بيروت وطرابلس طيب هول في مقابيلها ولايات دمشق ضمت البقاع وفي ولايات اخرى من الزمن الاموي والعباسي والمملوكي ضمت اراضي من لبنان، اراضي مسلمة طبعًا.

٤. يلي كان يتمدد ويتقلص حسب الشعب القاطن، هو "بلاد كنعان"، كانوا الكنعانيين ساكنين لبنان وجزء من سوريا، وفلسطين كاملة، وانحصروا بلبنان (وارواد / طرطوس) بعد سنة ١٣٠٠ ق م.

٥. الجبال بعدها مطرحها. فلبنان بعدو نفسه، كأرض.

الكنعانيين اسلم جزء منن: اليوم صار قسم من لبنان مسلم (طبعًا مع اقلية بقيت كنعانية - مسيحية).

اذن الكنعانيين / المسيحيين خسروا جزء من لبنان ديموغرافيًا، وهالجزء صار مسلم.

٦. اذًا فكرة القومية اللبنانية تفترض انو جماعتين، الكنعانيين - المسيحيين من ميل والمسلمين من ميل، هني شعب واحد لبناني سوسولوجيًا،

بوقت هيدا الشي مش مضبوط.

مثل ما القومية السورية بتفترض انو السوريين شعب واحد سوري سوسولوجيًا، وهيدا مش مضبوط.

لو ما خلقت دول سنة ١٩٢٠ اسمها لبنان وسوريا ومصر والعراق ما كنا اليوم منقول لبناني وسوري وعراقي ومصري، كنا من قول اسم الشعب السوسولوجي، كنعاني (او اسم بغير مطرحه مثل ماروني ورومي) وسرياني ورامي واشوري وكلداني ونبطي وقبطي، ومسلم.

٧. الخلاصة: السوسولوجيا ما تغيرت بين ١٩١٩ و ١٩٢١.

فكروا فيها! هاي بنحل كثير مشاكل لان ترجمة القومية اللبنانية سياسياً بتعني فرض الفكرة الكنعانية - المسيحية على المسلمين، يعني نفس المشكل يلي كان خلال حقبة الاستقلال... وبيبعدنا عن التقسيم، وهيدا بيعني اعدامنا...

